

## *Anima non praeexistunt.*

CVM pater humanas misceret neſtare vitas  
 Diuiduum tantæ noluit artis opus.  
 Noluit Elyſiæ redimiri fronde coronæ  
 Imbutas nullo munere militiæ.  
 Noluit aut ſuperâ culpis damnariæ aulâ,  
 Aut teneram ferulæ ſuppoſuiſſe manum,  
 Hæc & quæ Samij dementit uena renati  
 Ille ipſo excluſit prouidus articulo.  
 Improba quò tendis? non hæc tyrone tenentur,  
 Caſtraq; ſunt operis altera digna tuis.  
 Ante tibi ignota lentandus remus in vnda,  
 Tradenda & duro læuia colla iugo;  
 Ante etiam Eumenidum vada liuida ſunt uerrenda  
 Et cum funereo bella gerenda cane,  
 Quàm noſtra uictrix domineris in arce recepta:  
 His locus ingentis præmia laudis habet.  
 Quò tamen aut manicæ hæ niſi ſi meruer? quid(inquit)  
 Corpus hoc, & ſæui vincula ſupplicii?  
 Scilicet vt curis acuat mortalia corda  
 Difficilem voluit ſic pater eſſe viam.  
 Nec quia peccauit mens carcere clauditur iſto,  
 Sed nullo ut ſubigi carcere poſſe ſcias.  
 Ecce quod & refides ſenio torpere lacertos  
 Obductumq; ſitu robur hebere vetet.  
 O quam perpetui ſpes hic ſæcunda triumphi,  
 Quodq; queas ſemper vincere ſemper habes.  
 Nec procul anquirenda ſuperbæ occaſio palmæ,  
 Ipſe hoſtis, campus, miles eſ ipſe tibi.  
 Multa quidem ſubeunt, ſed nil pote certius iſto.  
 NATalem eſſe vnum corporis atq; animæ.

## *Intellectus non laborat ſub excellenti obiecto.*

QVanti nobilis æſtimanda origo eſt  
 Quæ nullo finit interire caſu,  
 Nulli cedere perpetem labori,  
 Nulli cedere perpetem dolori,  
 Non alni fluuiatilif-ue myrti,  
 Sed vivæ ſobolem cedri aut cupreſſi  
 Plenam luminis enthei medullam?  
 Quanti nobilis æſtimanda origo eſt?  
 Non ſic degener improbusq; ſenſus  
 Quem ſplendoribus aut nimis coruſcis  
 Immani aut tudite aut graui mephiti  
 Victum terga dediſſe res fatetur:  
 Hanc non Herculei domant paratus,  
 Non conſumit edax vorando vultur  
 Gnarus figere cor diſertiorum,  
 Non longa ſpeculatio fatigat,  
 Sed ſe uirdior emicat, nouiſq;  
 Immenſum tonat uſq; ſub periclis.  
 Quanti nobilis æſtimanda origo eſt?  
 Olim ſemine diſpari creati  
 Xanthus, Pedafus, (iſte nam caduco  
 Longè ille generoſiore) curruſ  
 Traxere AEmonii graues Achillis,  
 Si qua eſt Argolico fides poetæ.  
 Ergo Pedafus occubare telo,  
 Xantho nulla manus fuit morando.  
 Quanti nobilis æſtimanda origo eſt?  
 Sic, cum deficit ille ceu iugalis  
 Equus corporis, obrutq; languent  
 Vires ſenſilium potentiarum  
 Communi dominum rotâ trahentes,  
 Mens infracta manet, manet, nec audax  
 Quiſquam vulnere mentium triumphat  
 Ah laſſo comite, ah ſodale caſo.  
 Pergebant alacres adhuc camænz,  
 Sed manum iniiciens chori magiſter  
 Iuſſit parcere; namq; ſat liquere  
 AVRÆ particulæ ſacræ & ſeueræ  
 Quanti nobilis æſtimanda origo eſt.